

MUAB TSO TAWM TAM SIM
Hnub: 3 Hlis Ntuj tim 26, 2021

Hu/sau ntawv rau: Jeff Fleming
(414) 286-8580
jeff.fleming@milwaukee.gov

Lub Nroog Milwaukee Qhov Kev Xaaj Tshiab Rau Ntu 6

MILWAUKEE– Lub hom phiaj uas Milwaukee Health Department soj ntsuam qhia hais tias qhov feem pua ntawm 100,000 tus neeg kis mob COVID-19 nyob hauv 7 hnub txav ntawm “kis mob tsis ntau pes tsawg” mus rau “kis mob ntau tsawv” lub lim piam no. Qhov hloov no ua rau muaj kev txhawj xeeb hais tias nyob tsam tus mob rov qab loj tuaj es los luv tej yam twb ua tau zoo nyob hauv Milwaukee 2,3 lub lim piam dhau los

Lwm lub hom phiaj, feem pua ntawm kev kuaj tau muaj mob COVID-19, tseem nyob rau ntawm “kis tsis ntau” uas nce los ntawm 2.4% mus rau 3.8%. Qhov nod yog los ntawm feem pua ntawm cov laus hauv lub nroog tau txhaj tshuaj coob tshaj 10% lub lim piam no.

“Tam sim no tsis yog lub sij hawm yuav tso siab kiag li. Tus mob COVID-19 tseem yog ib tug mob yuav txo tau txoj sia nyob hauv Milwaukee. Milwaukee Health Department xav kom txhua tus neeg yeej meem ceef faj thiab saib xyuas txog kev kis kab mob xws li npog qhov ncauj qhov ntswg, nyob sib nrug, ntxuav tes, thiab tsib txhob nyob ua tej pab,” tus Thawj Tswj Commissioner Kirsten Johnson hais. “Twb muaj neeg txhaj tshuaj coob zuj zus lawm, peb yuav pom hais tias kev kis mob yuav txo, tab sis tus mob COVID tshiab nrog rau txoj kev tsis xyuam xim txog kev nyab xeeb yuav coj peb mus rau txoj kev yuam kev.”

Peb paub hais tias tus mob B.1.1.7 COVID-19 tshiab, hu ua tus mob U.K. tshiab, tshwm nyob hauv peb lub zej zog. Tus mob tshiab no kis tau sai heev thiab ua rau muaj mob nyhav heev. Tej zaum tus mob rov qab nce rau hauv zej zog yuav yog los ntawm tus mob tshiab.

Milwaukee Health Department yeej tseem npaj tas zog kom muaj chaw txhaj tshuaj COVID-19 ntxiv. Lub lim piam no, muaj 2 lub chaw qhib txhaj tshuaj uas tsis tas teem sij hawm li nyob ntawm North Division High School thiab South Division High School. Cov chaw txhaj tshuaj no npaj rau cov neeg nyob rau 10 tus zip codes hauv Milwaukee uas pom hais tais muaj neeg mus txhaj tshuaj tsawg thiab nyob rau cov chaw rau raug mob tau yooj yim heev. Tam sim no txhua tus neeg laus nyob rau cov zip codes no tsim nyog txhaj tshuaj lawm, thiab, nyob rau thawj 4 hnub uas qhib ua hauj lwm, 2 qhov chaw no txhaj tshuaj ntau tshaj rau 3,100 tus neeg.

Lub lim piam tom ntej no, yuav npaj qhib ib cov chaw txhaj tshuaj nyob rau hauv cov chaw khaws ntawv, tsev teev ntuj, thiab cov chaw rau cov neeg tsis muaj tsev nyob (shelters). Ib qhov qhia kom paub yog cov chaw txhaj tshuaj nyob rau ntawm Amani thiab Metcalfe Park neighborhoods uas tau kev txhawb nqa los ntawm Northwestern Mutual Foundation. Nyob rau hnub Saturday pib thaum 9:00 am txog rau 1:00 pm, thawj lub chaw txhaj tshuaj yuav qhib rau ntawm COA Goldin Center nyob ntawm 2320 West Burleigh Street. Nyob rau hnub Wednesday, yuav muaj ib lub chaw txhaj tshuaj qhib nyob ntawm Wisconsin Black Historical Society pib thaum 9:00 am txog rau 1:00 pm nyob ntawm 2620 West Center Street.

Dhau li ntawm cov chaw txhaj tshuaj uas tsis tas teem sij hawm hais nyob saum toj no, cov neeg tsim nyog txhaj tshuaj yeej teem tau sij hawm mus txhaj tshuaj nyob hauv Health Department qhov chaw teem sij hawm thiab txhaj tshuaj tau nyob rau ntawm milwaukee.gov/covidvax. Cov neeg tsis muaj internet siv yuav hu tau tus xov tooj 414-286-6800 mus teem tau sij hawm.

Lub lim piam no muaj ib qhov teeb meem me ntsis nyob rau ntawm qhov chaw txhaj tshuaj Wisconsin Center uas muaj 2 tus neeg teem tuaj txhaj koob tshuaj Moderna thib 2 tab sis ho raug txhaj koob tshuaj Pfizer. Lub

koom haum saib xyuas kev mob nkeeg (Centers for Disease Control) muaj kev qhia txog tej yam tshwm sim zoo li no xws li cov neeg uas txhaj ob koob tshuaj tsis zoo sib xws yeej txhaj tshuaj puv ntoob lawm. Twb qhia rau 2 tus neeg txhaj tshuaj paub lawm, thiab kuj tau muab tus txheej txheem ua hauj lwm kho kom tsis txhob muaj tej yam zoo li no ntxiv lawm.

Kev kuaj mob COVID-19 tseem muaj nyob rau 2,3 lub chaw nyob hauv nroog. Nyob ntawm American Family Field, muaj kuaj mob 3 hnuv ib lub lim piam, Monday, Wednesday, thiab Friday thaum 11:00 am txog 6:00 pm. Nyob ntawm Southside Health Center thiab Northwest Health Center, muaj kuaj mob 6 hnuv ib lub lim piam thaum 9:00 am txog 2:00 pm. Muaj ntaub ntawv tawm tshiab qhia txog kev kuaj mob nyob rau ntawm [Milwaukee.gov/covidtesting](https://milwaukee.gov/covidtesting) los yog hu 414-286-6800. Nqua hu cov neeg muaj tus tsos mob COVID-19 thiab txhua tus neeg uas tau nyob ze ib tug neeg muaj mob COVID-19 yuav tau mus kuaj mob.

Hauv qab no yog lub Hom Phiaj uas yuav coj tau peb lub Nroog ib ntus mus rau ib ntus thiab qhia txoj qhov peb yuav rov qab qhib dua.

Coj Milwaukee Mus Yav Tom Ntej Kom Muaj Kev Nyab Xeeb
Saib Qhov Gating Metric Lub 3 Hlis Ntuj tim 18 txog 3 Hlis Ntuj tim 25



Metric	Nyob li cas – 3 Hlis Ntuj tim 18	Nyob li cas – 3 Hlis Ntuj tim 25
Qhov metric no qhia txog tus kab mob tam sim no loj li cas. Tus kab mob loj ua rau kev kis mob coob		
Feem pua ntawm 100,000 tus neeg muaj mob COVID-19 7 Hnuv dhau los	Xim Daj Kis Mob Ntau Tsawv 45.8	Xim Txiv Kab Ntxwv Kis Mob Ntau 68.3
Qhov metric no qhia txog qhov feem pua kuaj tau muaj mob. Feem pua kuaj tau muaj mob qhia txog muaj chaw kuaj mob thiab kev sib kis zoo li cas		
Feem pua ntawm cov neeg kuaj tau muaj mob 7 hnuv dhau los	Xim Xiav Kis Mob Tsawg 2.4%	Xim Xiav Kis Mob Tsawg 3.8%
Feem pua ntawm kev txhaj tshuaj yog saib raws li lub Nroog Milwaukee cov neeg laus (cov neeg hnuv nyug 16 xyoo los yog laus dua)		
Feem Pua Ntawm Cov Laus Hauv Zos Txhaj TShuaj	8.5%	10.4%

Data Source: Wisconsin Immunization Registry (WIR) and Wisconsin Electronic Disease Surveillance System (WEDSS)
The metrics used to determine re-opening phases was updated on 3/18/2021 based on CDC guidance (<https://www.cdc.gov/coronavirus/2019-ncov/community/schools-childcare/indicators.html>) and best practices for Milwaukee

milwaukee.gov/MMFS
MHD 03/25/21

Nco ntsoov – Raws lis txoj cai MKE Cares hauv nroog Milwaukee yuav tsum npog qhov ncauj qhov ntswg. Thov hu tus xov tooj 414-286-2674 los yog sau e-mail rau cehadmin@milwaukee.gov tuaj qhia txog cov lag luag uas yuam txoj cai npog qhov ncauj qhov ntswg los yog qhov kev xaaj rau kev noj qab haus huv tam sim no. Qhov qhia rau peb yuav tsis muab nthuav tawm rau lwm tus paub. MHD muaj ntaub npog qhov ncauj qhov ntswg pub dawb rau tsev neeg thiab cov neeg. Mus saib cov chaw muaj ntaub npog qhov ncauj qhov ntswg dawb ntawm milwaukee.gov/masks.

Lub Nroog Milwaukee cov kev qhia hais txog Coj Milwaukee Mus Yav Tom Ntej Kom Muaj Kev Nyab Xeeb hloov txhua lub lim piam thiab muaj nyob online ntawm milwaukee.gov/coronavirus.

###